

Paróiste an Fheirtéaraigh

*Paróiste Dhún Chaoin, Paróiste Dhún Urlann, Paróiste Mhárthain,
Paróiste na Cille, Paróiste Mórdhach*

Fógraí na Seachtaine 24 Nollaig – 2 Eanáir 2025

Séipéal na Carraige, Dé Sathairn, 27 Nollaig ar a 7.30in

Intinn: 1. Cáit Uí Bheaglaoich, Baile Ghainín, 2ú C.B.
2. Tamara Ní Bhrosnacháin, Ardamór, 10ú C.B.

Dé hAoine, 2 Eanáir ar a 7.00rn

Intinn: Mike Ó Conchubhair, Clais, 1ú C.B.

Séipéal Naomh Uinseann, Dé Domhnaigh, 28 Nollaig, ar a 10.00rn

Intinn: 1. Séamus Ruiséal, Baile an Éanaigh agus Corcaigh, C.B.
2. Tomás Ó Cruadhlaoidh, Na Cluainte, C.B.

Guí an Phobail

Josephine Keane, Co. Chláir agus An Daingean a fuair bás le déanaí.

Siobhán Nic Gearailt, Ard na Caithne agus Na Gorta Dubha.

Na daoine go léir a fuair bás i rith na bliana ón bparóiste seo, sa bhaile agus i gcéin.

Séipéal Naomh Gobnait, Dé Domhnaigh, 4 Eanáir ar a 9.00rn

Intinn: Mártán Ó Catháin, Baile an Teampaill, C.B.

Séipéal Naomh Uinseann, Dé Domhnaigh, 4 Eanáir ar a 10.00rn

Intinn: Séamus agus Nóra Uí Mhuircheartaigh, Baile Uachtarach, C.B.

Ar dualgas do Limistéar
Tréadach Chorca
Dhuibhne an Domhnach
seo – An tAthair Eamon
Mulvihill 066-7139145

**Bailiúchán Bliantúil dos
‘Na Samaritans’ Oíche
agus Lá Nollag ag geataí
na séipéal.**



Aifrinntí i rith na Seachtaine

Lá Caille, Déardaoin, 1 Eanáir

Séipéal Naomh Uinseann – 9.30rn.

Séipéal na Carraige – 10.30rn.

Dé hAoine, 2 Eanáir

Séipéal Naomh Uinseann – 9.30rn

Séipéal na Carraige – 7.00in

Bailiúchán Speisialta

Beidh bailiúchán speisialta do thuarastal na sagart ag aifrinntí **Oíche agus Lá Nollag**. Is féidir leat an clúdach do Ofráil na Nollag a chur sa bhailiúchán seo. Míle buíochas as bhur bhflaithiúlacht agus go gcuití Dia go fial libh.

Buíochas Speisialta

Buíochas do gach duine a chabhraíonn leis na searmanaisí i rith na Nollag agus i rith na bliana:- léitheoirí, Ministéirí Eocairiste, glantóirí, iad siúd a chuireann suas bláthanna, na cléirigh agus gach duine a chabhraíonn ins na séipéil, daoine teagmhála, daoine a thugann amach na clúdaigh, múinteoirí fóirne agus daltaí na scoileanna, cóir agus ceoltóirí, Boird Bainistíochta, daoine a mhaisíonn na séipéil agus a ullmhaíonn na mainséir, cártaí agus fógraíocht, bailitheoirí, Aisteoirí Bhreanainn, Foireann Raidió na Gaeltachta, Comhairle Tréadach, Coiste Fé Chúram Leanaí, Coiste Airgeadais, lucht cothabhála, grúpaí deonacha, rúnaí an pharóiste agus le gach uile dhuine a chabhraigh in aon tslí sa pharóiste i gcaitheamh na bliana. **Go gcuití Dia go fial libh.**

Litir Aspalda an Phápa Proinsias – Comhartha Iontach

Conas go dtarlaíonn sé go dtéann tearmann na Nollag chomh mór sin i bhfeidhm orainn? Ar an gcéad ásc, taispeánann sé grá ceansa Dé: d’ísligh Cruthaitheoir na cruinne é féin chun ár n-íslachta d’ardú. Is iontaí fós an mistéir a leanann de bhronntanas na beatha nuair a thuigimid gurb é Mac Muire foinse agus cothú na beatha ar fad. Is é Íosa an deartháir a thug an tAthair dúinn, a thagann ár lorg nuair a bhímid trí chéile nó caillte, cara dílis lenár n-ais i gcónaí. Thug sé dúinn a Mhac a mhaitheann dúinn agus a shaorann sinn ónár bpeacaí. Buíochas leis an Dr. Tadhg Ó Dushláine a d’aistrigh an téacs.

Gabhann **Cumann Naomh Uinseann de Pól** buíochas do gach uile dhuine a bhí chomh fial leis an mbailiúchán a bhí acu le déanaí. Go gcuití Dia go fial libh.

Fuinneog Daite

Cuireadh fuinneog daite nua, in ónóir do Naomh Proinsias Assisi, isteach i Séipéal Naomh Uinseann le déanaí. Tá sé seo ana oirúnach mar beidh 800 bliain ann an bhliain seo chugainn ó cailleadh Naomh Proinsias. Is i gcuimhne ar Mhuintir Uí Fhathaigh agus Muintir Firtéar an fhuinneog agus gach beannacht agus rath ar a ngaolta a chuir an togra seo i gcrích. Ár mhuíochas le Glynn Palmer a dhein an dearadh agus an ealaíon ar an bhfuinneog. *'Mo Dhia agus m'Uile'* – Naomh Proinsias Assisi.



Machnamh don Nollaig agus don mbliain go léir ón bPápa Proinsias

"Bheadh cad é feabhas ar shaol an teaghlaigh dá mbeadh na focail 'led thoil', 'go raibh maith agat' agus 'tá brón orm' le clos uainn i bhfad níos minicí."

Sollúntas Mhuire Beannaithe Máthair Dé - Lá Domhanda na Síochána (1 Eanáir)

An téama atá ag an bPápa Leon XVI ina theachtaireacht don lá speisialta seo ná 'Síocháin Daoibh' (Eoin 20:19). Tá an téacs iomlán ar www.vatican.va. Féach an leathanach eile dos na hAifrinntí.

An Eagraíocht 'Alone'

Is eagraíocht Alone a thugann tacaíocht do dhaoine aosta atá ag maireachtaint ag abaile. Tá Alone ag lorg daoine deonacha chun cabhrú ina gcuid oibre. Gach eolas 0801 222 024 nó alone.ie/volunteer.

Oilithreacht go Assisi – Beidh oilithreacht go Assisi, 2 – 6 Bealtaine, 2026 (cailleadh Naomh Proinsias sa bhliain 1226, beidh sé cailte 800 bliain i 2026) Má tá suim agat dul ann glaoigh ar Thigh na Sagart 066-9156131.

Grúpa WhatsApp don bParóiste

Tá Grúpa WhatsApp bunaithe chun go bhféadfadh na baill eolas a fháil maidir le Aifrinntí agus ócáidí eile. Má spéis leat, cuir glaoch ar Thigh na Sagart 066-9156131 nó cuir r-phost go oifig@yahoo.ie, le d'ainm agus uimhir do guthán póca.

Tá cóipeanna breise do **Fhéilire 2026** sna séipéil. Tóg ceann dod' ghaolta agus cairde.



Stampaí Úsáidte

Tá beanrialta ag bailiú stampaí úsáidte ar mhaithe le daoine bochta thar lear. Má tá aon stampaí agat is féidir iad a fhágaint ins na séipéil. Bíonn cuimhneamh speisialta i rith na Nollag ar na daoine a thacaíonn leis an bhfeachtas seo.

Guíonn an tAthair Eoghan Nollaig Shona agus Athbhliain faoi shéan agus faoi mhaise ar gach éinne sa pharóiste agus ar a muintir i gcian agus i gcóngar agus go háirithe gach uile dhuine a chabhraigh in aon tslí sa pharóiste i rith na bliana.

Misneach, a chuid! (Oíche Chinn Bhliana 2012)

Táimid ag seoladh linn
Thar suaitheadh na bóchna
Is ní bhfaighfear aga
Fanacht le cóir.
Don anaithe ná géill
Léim a dhúisíonn saol
Is seans é an bheatha
Ní fada uait aniar gaoth mhín
A líonfaidh le cion do sheolta
Is ní fada anois go mbraithfir
Borradh bláith an earraigh
Comharthaí na soininne
Údar ár ndóchais.
*Os Cionn Talún agus dánta
eile le Aogán Ó
Muircheartaigh 2015*

Ciste an Pharóiste € 690.00

Más mian leat tacú le Ciste an Pharóiste is féidir leat do shíntús a chur i gCúntas Pharóiste an Fheirtéaraigh, Banc AIB, Príomhshráid, An Daingean –

IBAN: IE40 AIBK 93628602 090140 (BIC: AIBKIE2D). Bíonn cuimhneamh speisialta oraibh i gcaitheamh na bliana. Más mian leat clarú do na clúdaigh, cuir glaoch ar Thigh na Sagart 9156131. Go gCuití Dia go fial libh.

Fógraí go Tigh na Sagart, roimh 10.30 r.n. Déardaoin, le bhur dtail:

Fón: 066-9156131

r-phost: oifig@yahoo.ie